

鄭氏瘡科保赤金丹



南京中醫藥大學圖書館版權所有

鄭氏瘡科保赤金丹卷之二

四方瘡名第一

桴糠痧瘡舫温疹其實屬瘡一症名方語原來各有別治同一例應如神

瘡症之名各方不同在京師呼爲温疹河南呼爲桴瘡山西陝西呼爲糠瘡山東福建廣東廣西雲南貴州四川俱呼爲疹子江南呼爲痧疹浙江呼爲瘡子湖廣江西俱呼爲痲疹又呼爲舫子聞人氏呼爲膚疹雖四方之命名有別其實皆一瘡也調治之法原無異耳

歲氣第二

瘡症須明歲氣先勿輕汗下作傷寒察人虛實施良劑無伐天和損壽元

瘡疹之症其初發熱與傷寒相似但瘡則面頰紅咳嗽噴嚏鼻流清涕目中淚出呵欠喜睡或吐或瀉或手陷眉目鼻面之爲異耳不可誤作傷寒施治而妄用汗下也妄汗則增其熱而爲衄爲咳嗽爲口瘡咽痛爲目赤痛爲煩燥爲大小便不通妄下則虛其裏爲滑泄爲滯下經曰必先歲氣毋伐天和言不可妄汗下也是以治瘡者務須先明歲

氣如時令溫煖以辛寒之藥發之用防風敗毒散

見第五條如時令暄熱以寒涼之藥發之用白虎解毒

湯見二十或黃連解毒湯如時令大寒以辛熱之

藥發之用桂枝解毒湯或葛根桂枝湯如時令時

寒時煖以辛平之藥發之用荆防敗毒散或何根

解毒湯倘兼疫癘之氣則以人參敗毒散主之又

要看人之虛實如吐瀉不止以人參之類補之如

便秘煩燥以酒蒸大黃微利之無實實無虛虛倘

損不足而補有餘死人性命非關天數醫殺之也

能知損有餘而補不足者方為良工人參大補元

氣禁忌

黃連解毒湯

黃連

黃柏

黃芩

梔仁

荊芥

知母

石羔

大青

元參

木通

防風

楮

梗

甘草

水煎服

桂枝解毒湯

荊芥

防風

牛蒡子

麻黃

桔

梗

人參

川芎

赤芍

羌活

甘草

桂枝

生薑引

葛根桂枝湯

葛根

防風

甘草

桂枝

赤芍

升麻

姜三片

淡豆豉一錢引

荊芥敗毒散

荊芥

防風

茯苓

枳殼

前胡



柴胡

桔梗

川芎

羌活

獨活

甘草

薄荷

荷五葉引

除荆防加入參
名人參敗毒散

葛根解毒湯

葛根

荆芥

前胡

牛蒡子

風

連翹

淡竹葉

人參

柴胡

桔梗

赤防

芍藥

羌活

升麻

甘草

此方忌人參

預解宣毒第三

凡屬冬温大不祥民多疫癘發瘡瘍如逢瘡疹相傳

染可用湯丸預解良

瘡毒從來解在初出盡毒解憂可無腹中脹痛邪猶

伏喘促昏沈命必殂



春溫夏暑秋清冬寒此四時之正氣也若冬應寒而反溫乃陽氣暴洩火令早行人感之者至於來春必發癰瘡未出痘疹者必感之而出然疹雖胎毒未有不由天行時令而發者故一時傳染相似遠近大小皆發爲父兄者但見境里痘瘡正行宜先以消毒保嬰丹代天宣化丸以預解之可使毒徹而不爲已甚此雖先賢活人之婆心而要知瘡疹之証只怕一時不能得出若得出盡則毒便解到底治瘡者於初熱未出之時宜以宣毒發表湯去升麻桔梗甘草或葛根解肌湯

二方俱見第五條

云亦

芍甘草葛根疏邪湯見三十三條去骨皮防風敗毒散

見第五條去石羔知母淡竹葉桔梗甘草加前胡葛根

等方隨用而發之但得瘡出則毒解始終無虞矣

如用一劑而瘡仍不出又再進一服加生麻黃三

分如冬天寒冷之時四肢冷可用桂枝尖五分山

查一錢外以酒煎胡荽噴被蓋之切要空露頭面

或以苾蔴醮胡荽酒遍身戛之令其毛孔疏開瘡

方得出也切勿泥歲氣條照時令寒暄而用辛熱

寒涼之劑助其炎威阻其發機致而壞証如三四

次發之不出又用臭椿樹根皮煎湯熏洗倘仍不



出加之腹作脹滿氣上喘促昏眩悶亂煩燥不甯
譫語妄言者必死無疑矣有云當歸紫草茸紅花
牛蒡子之類服之即現斷不濟事

消毒保嬰丹

纏豆藤

不拘黃豆綠豆根上纏連細紅絲藤於八月內生氣之日

採取陰干聽用一兩五錢

大黑豆三十粒

赤小豆七十粒

牛

蒡子炒

辰砂水飛過

生地黄

山查肉

各一兩

荆芥穗

防風

獨沽

當歸

黃連

桔梗

生甘草

各五錢

老絲瓜

隔年經霜者二箇要連藤帶蒂五寸燒灰

升

麻赤芍

各七錢五分

為細末以沙糖合丸如李核大

濃煎甘草湯化下



凡修合此丸宜春分秋分或正月十五七月十五
十月十五等日灑掃靜室焚香至誠修合勿令僧
尼道士婦女有孝服人及六畜見之合畢於日出
時焚香叩齒東向吸氣一口吹於丸藥之上向太
陽覺呪曰 神仙真藥 體合自然 嬰兒吞服
天地齊年吾今奉 太上老君急急如律令 氣默

念七遍

代天宣化丸

即韓氏醫通所載五瘟丹

甘草 甲巳年化土
黃芩 乙庚年化金
黃柏 丙
年化水 以 此味為君
丁壬年化木
黃連 戊癸年化
此味為君 以 此味為君
此味為君 以 此味為君

君爲

連翹

爲佐

山豆根

爲佐

如逢甲子己巳年則

以甘草爲君黃芩黃柏枝仁黃連爲臣連翹豆根
牛蒡爲佐乙庚等年俱仿此君藥一兩臣藥用五
錢佐藥用二錢五分共爲細末於冬至日以雪水
煮升麻汁拌麩粉攪糊合丸用辰砂爲衣以淡竹
葉煎湯化下

諸潮亦能發瘡第四

傷寒傷風與傷食驚風等候諸潮熱久而不去亦非
宜痘疹因而乘閒出

手足微冷惡寒無汗面色青慘而不舒左額有青



紋者傷寒之熱也手足微溫發熱有汗面赤而光者傷風之熱也並宜用惺惺散除人參白朮發散之目胞腫而右頰有青筋發熱而頭額肚腹之處最甚或兼嘔吐腹疼者傷食之熱也以備急丸下之面色青紅額上中心有紋手掌心有汗時作驚惕手絡脈微動而發熱者此驚熱也以瀉青丸牛黃清心丸主之身熱而倍能食唇紅頰赤大小便閉脇下有汗者此風熱也以宣風散主之已上諸熱久而不去內外感發則所蘊痘瘡之毒亦能乘閒而出矣



惺惺散

治風熱咽喉不利脾不和三焦胆經渴小

便不利

人參

桔梗

白苓

白朮

瓜蒌根

甘草

各一錢

細辛

三分

薄荷葉

五分

防風

川芎

各一錢

水煎溫服

備急丸

木香

二錢五分

大黃

牽牛

各五分

為末神曲

糊合丸綠豆大食前用查肉煎湯下五七丸

瀉青丸

羌活

大黃炒

川芎

當歸

防風

龍胆草

枝仁

為末蜜丸雞頭子大淡竹葉煎

湯加沙糖調下一丸

牛黃清心丸

治發熱甚心煩不甯

生黃連

五錢



北京中醫藥大學圖書館版權所有

川鬱金二錢 黃芩 枝仁各三錢 牛黃二錢五分 辰

砂一錢五分 爲末用冬雪水調麩粉糊丸黍米大燈芯

湯下七丸

宣風散 大熱利其小便而不愈者以此下之 檳

榔二箇 陳皮 甘草各五錢 生丑牛二兩 炒丑牛

二爲末二三歲孩兒用五分四歲孩子用一錢食

前蜜湯調下易老加防風 本方有青皮

初潮認証第五

瘡爲胎毒發於心肺與相連熱毒侵咳嗽鼻中清涕

出更兼兩目淚盈盈



瘡疹之証面必紅呵欠咳嗽鼻流濃汪汪眼淚頻頻
噫休作傷寒別症攻

瘡症初潮未現標時必身熱憎寒頭疼咳嗽或吐
或乾嘔或瀉或腹痛或鼻塞或鼻流清涕噴嚏呵
欠眼胞浮腫目淚汪汪腮赤體疼煩燥不甯夫瘡
乃胎毒所發毒者火也瘡疹小而色紅碎密其行
於皮膚之間者屬手少陰心經君火也五臟心肺
相連肺位乎上心經火旺則肺受之故瘡之發惟
肺受毒最重其咳嗽者肺因心火炎上而肺葉焦
舉也鼻流清涕者鼻爲肺之竅以火灼金而液自



流也目中淚出者肺熱則移於肝肝之竅在目也
肝屬木木能生風故有呵欠也吐與乾嘔者心火
流入於胃也肺與大腸爲表裏肺熱流於大腸故
眼胞浮腫腹痛而泄瀉也腮赤煩燥心火旺也噴
嚏肺經火邪也或掐掐眉目脣鼻及面者肺熱証
也然瘡雖胎毒未有不因時氣冒感而發者故其
症與傷寒相似而身熱憎寒頭疼體痛也但治瘡
者莫作傷寒施治當先以肺爲主總以瀉火清金
而瀉火當用黃連黃柏枝仁大青元參連翹之類
清金當用黃芩知母貝母麥冬石羔天花粉牛蒡



子地骨皮桑白皮杏仁之類夫瘡初起既與傷寒相似而認瘡須細看兩耳根下頸項連耳之間以及背脊之下至於腰間必有三五紅點此卽瘡之報標如無紅點以爲証佐則當以別症施治此屢試屢驗者也若果有紅點及現有前証相符則是瘡候宜用宣毒發表湯去升麻桔梗甘草或少加蘇葉或少加胡荽或并去淡竹葉主之或用葛根解肌湯去赤芍甘草加防風或更加蘇葉枳壳主之或用防風敗毒散去桔梗甘草石羔知母或併去淡竹葉加前胡葛根主之俱以燈心爲引與服